

LATIHAN PDPR ASPEK TATABAHASA

Standard Kandungan:

5.1 Memahami dan menggunakan bentuk kata yang sesuai dalam pelbagai bidang

Standard Pembelajaran:

5.1.3 Mengenal pasti dan menggunakan bentuk kata ganda dan akronim dengan betul mengikut konteks.

NOTA EDARAN

CONTOH KESALAHAN KATA GANDA

Salah	Betul	Penjelasan
Lemah-longlai	Lemah longlai	Lemah longlai ialah kata majmuk yang bermaksud gerak berliuk-liuk yang elok dan bukannya kata ganda.
Sayur mayur	Sayur-mayur	Sayur-mayur ialah kata ganda dan dengan itu memerlukan tanda sempang kerana perkataan "mayur" tidak mempunyai maksud yang membolehkannya berdiri sendiri.
Sampah-sarap	Sampah sarap	"sarap" bermaksud kotoran seperti debu yang halus-halus. Ini bermakna perkataan "sarap" boleh berdiri sendiri. Maka, "sampah sarap" ialah kata majmuk yang bermaksud pelbagai jenis sampah dan bukannya kata ganda.
kerusi kerusi	Kerusi-kerusi	Semua perkataan yang mengalami penggandaan penuh dieja dengan menggunakan tanda sempang.
Mengucar-kacirkan	mengucar-ngacirkan	Perubahan huruf <i>k</i> kepada huruf <i>ng</i> bagi kata ganda berentak turut berlaku pada kata selepas tanda sempang semasa proses pengimbuhan sekiranya kata tersebut juga bermula dengan huruf yang sama.
Kertas kerja-kertas kerja	Kertas-kertas kerja	Penggandaan kata nama majmuk dieja secara terpisah dan hanya perkataan pertama yang perlu digandakan.
Suruhan-suruhanjaya	Suruhanjaya-suruhanjaya	Untuk kata majmuk yang dieja bercantum (kata majmuk mantap), seluruh perkataan perlu digandakan.
Daun-daun yang berguguran...	Daun yang berguguran	Imbuhan ber-...-an membawa maksud jamak.

CONTOH KESALAHAN AKRONIM

Salah	Betul	Penjelasan
Kumpulan kugiran itu terdiri daripada enam orang ahli.	Kugiran itu terdiri daripada enam orang ahli.	"kugiran" ialah akronim bagi ungkapan "kumpulan gitar rancak". Perkataan "kumpulan" dalam ayat tersebut tidak diperlukan lagi.
Adun Zon Damansara	ADUN Zon Damansara	Akronim yang terbentuk daripada cantuman huruf awal perkataan seperti <u>A</u> hli <u>D</u> ewan <u>U</u> ndangan <u>N</u> egeri wajib dieja dengan huruf besar untuk setiap huruf pertama sekiranya jenisnya kata nama khas.

Salah	Betul	Penjelasan
ASWARA	Aswara	Untuk akronim yang terbentuk daripada campuran huruf dan suku kata perkataan, hanya huruf pertama yang dieja huruf besar jika kata tersebut Kata Nama Khas. Contoh: <u>A</u> kademi <u>S</u> eni dan <u>W</u> arisan

LATIHAN PENGUKUHAN

I. BETULKAN KESALAHAN BAHASA DALAM AYAT YANG BERIKUT

- a. Semua kanak itu masih bermain di luar rumah meskipun hujan sudah mulai turun.
- b. Encik Samad membuat bayaran dengan menggunakan kad kredit selepas membeli belah di pasar raya.
- c. Kami berasa terpegun melihat kelawar-kelawar yang bergayutan pada dinding gua Gua Niah.
- d. Pemain pemain Cameroon melakukan protes terhadap pengadil yang mengesahkan jaringan kedua England yang pada awalnya dikatakan ofsaid.
- e. Pengguna lebuh raya akan menerima manfaat, iaitu penjimatan bayaran tol susulan daripada pengambil-alihan empat batang lebuh raya utama oleh pihak kerajaan.
- f. Surat khabar-surat khabar yang sudah dibaca oleh ayah telah dihantar ke pusat kitar semula.
- g. Ibu-ibu bapa yang menghadiri mesyuarat Persatuan Ibu Bapa dan Guru dihidangi mihun dan kopi.
- h. Pemimpin itu berjanji untuk menunaikan apa yang dijanjikannya dalam pilihan raya yang lepas.

2. PILIH EJAAN YANG TEPAT UNTUK AKRONIM-AKRONIM YANG BERIKUT

- a. Berita Nasional Malaysia
A. BERNAMA B. Bernama
- b. Jabatan Kemajuan Islam Malaysia
A. Jakim B. JAKIM
- c. Universiti Pendidikan Sultan Idris
A. Upsi B. UPSI
- d. Sijil Pelajaran Malaysia
A. Spm B. SPM C. S.P.M.
- e. Alam dan Tamadun Melayu
A. ATMA B. ATM C. Atma D. AdTM
- f. Institut Tadbir Awam Negara
A. Intan B. INTAN C. ITAN D. I.T.A.N.